

Powšitkowne WOZJEWJENJA

njedźelu, 13. oktobra 2019

Hudźbny nyšpor w Baćonju

Towarstwo Cyrila a Metoda přeprašuje zhromadnje z Baćońskej wosadu na hudźbny nyšpor k spominanju na 225. posmjertniny kěrlušerja, kanonika a šolastika Michała Wałdy, kotryž wotměje so tutu njedźelu, 13. oktobra, w 14 hodź. w Baćońskej cyrkwi. Chróšćanski cyrkwinski chór jón wuhotuje.

Přiležnosć k swjatej spowědži w Róžeńće

sobotu, 26. oktobra 17.00 – 18.00 hodź.	farar M. Anders, farar D. Dzikiewicz, T. Dawidowski; kapłan J. Buliš
póndźelu, 28. oktobra 17.00 – 18.00 hodź.	farar M. Anders, farar G. Wornar, farar D. Dzikiewicz, farar J. Magiera
wutoru, 29. oktobra 18.30 – 19.30 hodź.	farar M. Anders, farar D. Dzikiewicz, farar M. Kleiner, farar S. Foelz

Eksercicije za Serbow – „Što nas wozboža?“

Na serbskich eksercicijach wot pjatka, 8. nowembra, wječora hač do njedźele, 10. nowembra, chcemy so wosebje za zbožom prašec. Zanjese so němska hymna, w kotrejž spěwa so na spočatku, zo su přezjednosć a prawda a swoboda zakład zboža, poprawom jeničce na wulkich statnych swjatočnosćach, prjedy hač narodne koparske mustwo hraje abo hdyž sportowc złotu medalju dobudže? Abo klinči ze słowow hłubše poselstwo a pomoc k žiwjenju?

Z dnjemi rozpominanja ma so wobdźělnikam pokazać a jim dožiwić dać, zo su słowa zasadne a zo pokazuja zdobom na zakładne hódnoty čłowjekahódneho zhromadneho žiwjenja doma, w towaršnosći a w cyrkwi. Čišina, rozpominanje swójskich dožiwjenjow a słowa ze Swjateho pisma posrědkuja dary a nadawki žiwjenja: so dojednać, sej wzajomnje wotpowědować, k swobodze wuswobodzeni być.

Hdžež so to wěri a ze žiwjenjom pjelni, smy wobdarjeni, zbožowni, a w Jězusowym zmysle zbóžni, tež w ćežkich časach. Tuž přeprašuju wěriwych ze serbskich wosadow, zo bychu so na tutech dnjach wobdźělili. Přizjewjenja přijimuju direktnje w Exerzientenhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chróšćicach na farje, telefonowe čisło (03 57 96) 80 40 22.

Pater Willi Lambert

Mandźelski seminar

Přizjewjenja za přihot na sakrament mandźelstwa wot pjatka do soboty, 29. nowembra do 30. nowembra, přijimuju so pisomnje hač do srjedy, 6. nowembra, w Dekanatnym dušepastyrstwie we Worklecach. Formulary k tomu su w cyrkwjach wupožene.

Dalši serbski žarowanski kruh

Žarowanskaj přewodźerjej Regina Krawcowa ze Smječkec a Tomaš Pěčka ze Ser-njan poskićataj zhromadnje z dr. Ludmilu Lajderowej z Drježdźan po lońšim za-zběhu dalši serbski žarowanski kruh. Přenje zetkanje budže štwórtk, 7. nowem-bra, w 17.00 hodž. w Chróšćanskej putniskej hospodže. Dalše termíny su stajnje tři njedźele pozdžišo. Předwidžane je, zo so tutón kruh hač do spočatka apryla wosom króc zetka. Zajimcy měli so pod telefonowym čislom (01 74) 7 01 94 87 přizjewić.

Biskopstwowy džěćacy chór swjeći róčnicu

Koncertaj składnostnje swojeho 20lětneho wobstaća da zhromadny džěćacy chór Drježdźansko-Mišnjanskeho a Zhorjelskeho biskopstwa pjatk, 25. oktobra, w 17 hodž w Choćebuskej propstowskej cyrkwi, Adolpha Kolpingowa 17, a sobotu, 26. oktobra, w 19.15 hodž. na žurli Lipšćanskeje propstowskeje wosady, Nonnenmühlgasse 2. W tutym chórze njeje w běhu dweju lětdžesatkow jenož tójšto serbskich džěći sobu spě-wało, ale móhłrjec ze wšěch wosadow wobeju biskopstwow. Tuchwilu přisłuša jemu 80 młodych spěwarjow. Wšitcy něhdyši čłonojo su na přijeće hodžinu do sobotneho koncerta prošeni, na koncertaj pak wšitcy zajimcy.

Film „Das größte Geschenk“

W dokumentarnym filmje „Das größte Geschenk“ z lěta 2018 zaběra so španiski režiser Juan Manuel Cotelo z temu, kotraž wšitkich potrjechi – wodawanje. Maćerje, nanojo, wudowy, syroty, masowy mordar a jeći na jimace wašnje rozprawjeja, kak móžeš wodać. Režiser Cotelo zetka so z woporami kaž skućićelemi. Słuchaše na wobě stronje a smědžeše filmować, hdyž so wobě stronje zetkaštej a sej wujednawacu ruku podaštej. Film „Das größte Geschenk“ pokazaja na reformaciskim dnju štwórtk, 31. oktobra, w 17.30 hodž. w Drježdźanskim kulojnym kinje Cineplex.